

आकाशवाणी

खबरां श्रुति खजूरिया कोला

1. अमरीका ते ईरान बश्कार गल्लबात विजन कुसै समझौते दे मुक्की गई।
2. विदेश मंत्री डॉ. एस जयशंकर होरें क्षेत्रीय स्थिति च होआरदे बदलाव ते ओहदे असर पर संयुक्त अरब अमीरात दे उप प्रधानमंत्री ते विदेश मंत्री हुंदे कन्नै चर्चा कीतीं
3. पच्छिम बंगाल विधानसभा चुनां लेई प्रचार तेज, प्रमुख सियासी पार्टिं दे नेता रैलियां करा'रदे न।
4. सरकारै डीजल पर निर्यात शुल्क साइडे 21 रपे फही लीटर थमां बदाइयै साइडे 55 रपे फही लीटर करी दिता ऐ।
5. बिहार दे कटिहार जिले च पेश आए दे इक शिड़क हादसे च 13 लोकें दी मौत ते केई जख्मीं।
6. एशियाई कुश्ती प्रतियोगिता च भारत दे सुजीत कलकल ते अभिमन्यू मंडवाल नै फ्रीस्टाइल श्रेणी च सुन्ने दे तगमे हासिल कीते।

<><><><><><>

Iran US (Revised)

पाकिस्तान दी राजधानी इस्लामाबाद च तकरीबन 21एं घैंटे तगर चली दी अमरीका ते ईरान बश्कार गल्लबात विजन कुसै समझौते दे मुक्की गई ऐ। अमरीकी उपराष्ट्रपति जे.डी वेन्स होरें दस्सेआ जे गल्लबात सार्थक रेही पर बिजन कुसै समझौते दे गै सम्पन्न होई ऐ। उनें आखेआ जे मुख मतभेद ईरान थमां परमाणु हथियार नेई बनाने दी लम्मी मुद्दत आली प्रतिबद्धता गी लेइयै ऐ। उनें दस्सेआ जे अमरीका नै ईरान दे अग्गे अखीरी प्रस्ताs रक्खेआ ऐ ते हुन

ईरान दी प्रतिक्रिया दा इंतजार ऐ। एहदे शा पैहले इस्लामिक रिपब्लिक ऑफ ईरान सरकार आसेआ एक्स पर सांझे कीते गेदे बयान च तेहरान नै सारत दिती ही जे किश मतभेद बने दे रौहने दे बावजूद गल्लबात जारी रौहग। एह बैठक वाशिंगटन ते तेहरान मझाटै केई दहाकें च सबनैं शा उच्चे स्तर दी प्रतक्ख गल्लबात रेही।

<><><><><><><><>

EAM-UAE

विदेश मंत्री डॉ. एस जयशंकर दो दिन दे संयुक्त अरब अमीरात दे दौरै पर न। इस दरान डॉ. जयशंकर होरें कल संयुक्त अब अमीरात दे उप प्रधानमंत्री ते विदेश मंत्री शेख अब्दुल्ला बिन जायद अल नाहयान हुंदे कन्नै मलाटी कीती जेदे च क्षेत्रीय स्थिति च होआ रदे बदलाव ते ओदे असर पर चर्चा केंद्रित रेई। विदेश मंत्री होरें भारती समुदाय दी सुरक्षा ते कल्याण यकीनी च संयुक्त अरब अमीरात सरकार दे समर्थन आस्तै आभार जताया। दौनैं पक्खें सहयोग दी समीक्षा कीती।

<><><><><><><><>

LPG

जलमार्ग मंत्री सर्वानंद सोनोवाल होरें दस्सेआ ऐ जे भारती झंडे आहला जग विक्रम पौत सलतापूर्वक ारस दी खाड़ी थमां बाहर आई गोआ ऐ। एहदे च 24 भारती चालक दल दे सदस्य सोआर न। सोनोवाल होरें सोशल मीडिया दी इक पोस्ट च दस्सेआ जे इस पोत च 20 जहार 412 मीट्रिक टन एलपीजी ऐ। एहदे 15 अप्रैल तगर भारत पुज्जने दी मेद ऐ।

<><><><><><><><>

Kurd-Prez.

ईराक च पिछले बरे नवम्बर च होए दे संसदीय चुनाएं मगरा मुल्ख दी संसद नै कुर्द राजनेता निजार अमेदी गी मुल्ख दा नमां राष्ट्रपति चुनेआ ऐ। अमेदी मुल्ख दे साबका पर्यावरण मंत्री हे। ओह बरे 2024 सोयां बगदाद च कुर्दिस्तान पेट्रोलियम युनियन दे राजनीतिक कार्यालय दे प्रमुख बी रेय न। ईराक च हुन प्रधानमंत्री दा चुनां होना ऐ।

<><><><><><><><>

Campaigning

पच्छिम बंगाल विधानसभा चुनां लेई प्रचार तेज होई गेआ ऐ। पैहले गेड़ दे मतदान लेई छड़े 11 दिन बचे दे न। प्रमुख राजनीतिक दलें दे शीघ्र नेता जिलें च रैलियां, जनसभां ते प्रचार करा' रदे न। प्रधानमंत्री नरेंद्र मोदी होरें कल कटवा, जंगीपुर ते कुशमंडी च रैलिएं गी संबोधित कीता। उनें राज्य च पच्छान ते घुसपैठ आहले मुद्दे पर भाजपा अभियान गी होर तेज करदे होई आखेआ जे तुष्टिकरण दी राजनीति गी खत्म करने आस्तै समान नागरिक संहिता लागू कीता जाहंगं उनें एहू बी आखेआ जे पार्टी बंगालिएं गी राज्य च अल्पसंख्यक नेई बनन देग।

<><><><><><><><>

WB

भारती जनता पार्टी दे नेता नरेंद्र मोदी होर अज्ज सिलीगुड़ी दे कावाखाली च इक जनसभा गी संबोधित करंगन। उत्तर प्रदेश दे मुखमंत्री योगी आदित्यनाथ होर बी चुनां प्रचार च सक्रिय न। उंदियां रैलियां बांकुरा दे सोनामुखी ते मगरा पूर्व मेदिनीपुर दे नंदकुमार ते कांथी दखन च आयोजित होंगन। तृणमूल कांग्रेस दी नेता ते मुखमंत्री ममता बनर्जी, पूर्व बर्धमान, पच्छिम बर्धमान ते बांकुरा जिले च केई जनसभां करंगन।

<><><><><><><><>

Diesel-Export

सरकारै डीजल पर निर्यात शुल्क साइडे 21 रपे फही लीटर थमां बदाइयै साइडे 55 रपे फही लीटर करी दिता ऐ। खजाना मंत्रालय नै जानकारी दिती ऐ जे विमानन टरबाइन ईंधन पर बी शुल्क साइडे 29 रपे फही लीटर थमां बदाइए 42 रपे फही लीटर करी दिता गेआ ऐ। तोआई, पेट्रोल पर निर्यात शुल्क सि० र रौहग।

<><><><><><><><>

Bihar-Accident

बिहार दे कटिहार जिले च होए दे इक शिड़क हादसे च 13 लोकें दी मौत ते कई होर जनें जखमी होई गे न। एह हादसा कल शामीं करीब 6 बजे राश्ट्री जरनैली शिड़क-31 पर कोढ़ा ब्लाक दे बसगढ़ा चौक दे नेड़े होआ जिसले इक बस दी इक पिकअप गड्डी कन्नै सिद्दी टक्कर होई गई। इस हादसे च इक मोटरसैकल सोअर दी बी मौत होई गई। हादसे च जखमी लोकें गी कोढ़ा प्राथमिक सेहत केंद्र ते पूर्णिया मेडिकल कालेज च भर्ती करोआया गेआ ऐ। मुखमंंत्री नितिश कुमार होरें इस दर्दनाक हादसे च जानमाल दे नुकसान पर दूंगा दुख ते बसोस जाहिर कीता। उनें मारे गेदे लोकें दे परोआरें गी 2-2 लक्ख रुपें सीधी सहायता ते जखिमएं 50-50 जहार रुपें दी माली सहायता देने दी घोशणा कीती।

<><><><><><><><>

Cheetah-Birth

मध्य प्रदेश दे कुनो राश्ट्री उद्यान च भारत च जन्मी दी इक मादा चीता नै जंगल च 4 शावकें गी जन्म दिता ऐ। पर्यावरण, जंगलात ते जलवायु बदलाव सरबन्धी मंत्री भूपेंद्र यादव होरें इस घटना गी मुख्य दी चीता संरक्षण यात्रा च इक्क ऐतिहासिक उपलब्धि दस्सेआ ऐ। सोशल मीडिया दी इक पोस्ट चयादव होरें आखेआ जे करीब 25 महीनें दी मादा चीता गमिनी-के.जी.पी 12 जेड़ी भारत च जन्मी दी दुई पीढ़ी दा हिस्सा ऐ, नै कुदरती परिस्थितिएं च सलतापूर्वक 4 शावकें गी जन्म दिता। मंत्री होरें दस्सेआ जे बरे 2022 च प्रोजेक्ट चीता दी शुरूआत मगरा जंगल च एह पैहला दर्ज जन्म ऐ।

<><><><><><><><>

Wrestling

किर्गिस्तान दे बिकेक च एशियाई कुश्ती प्रतियोगिता च कल भारत दे सुजीत कलकल ते अभिमन्यु मंडवाल नै 65 ते 70 किलोग्राम फ्रीस्टाइल श्रेणी च सुन्ने दे तगमे हासिल कीते। फ्रीस्टाइल श्रेणी दे 65 किलोग्राम वर्ग च सुजीत नै उज्बेकिस्तान दे उमिदजोन जलोलोव गी 8-1 कन्नै हराया। बजरंग पुनिया आस्सेआ 2019 च इस श्रेणी च सुन्ने दा तगमा जितने मगरा उनें एह कारनामा कीता ऐ।

<><><><><><><><>

IPL

आई.पी.एल क्रिकेट च चेन्नई च कल रातीं एम.ए चिदम्बरम स्टेडियम च खेड्ढे गेदे मैच च चेन्नई सुपर किंग्स नै दिल्ली कैपिटल्स गी 23 रन कन्नै हराइयै आईपीएल-2026 च पैहली जित दर्ज कीती ऐ। पैहले बल्लेबाजी करदे होई संजू सैमसन दे नाबाद 115 रन दी पारी दी बदौलत दो विकट मुहाइयै चिन्नेई नै 212 रन बनाए। परते च दिल्ली कैपिटल्स दी टीम 189 रन पर गै सिमटी गई। अज्ज दपैहरी लखनऊ सुपर जायंट्स दा मुकाबला गुजरात टाइटन्स कन्नै हाग ते मुम्बई इंडियन्स दा मुकाबला संझा साड्डे 7 बजे रायल चैलेंजर्स बेंगलुरु कन्नै होग।

<><><><><><>

IMD

मौसम विभाग नै आंध्र प्रदेश, तटीय कर्नाटक, गुजरात, ओडिशा, तमिलनाडू, पुदुचेरी ते कराईकल च कल्लै तगर गर्म ते गुम्म आहला मौसम बने दे रौहने दी पेशगोई कीती ऐ। पूर्वोत्तर भारत च अगले दो दिन च बिजली मिलकने ते तेज ब्हा कन्नै गरज चमक आहले तूँान दे औने दी मेद ऐ। पच्छिम बंगाल दे हिमालय कन्नै सटे दे हेइले इलाके केरलम, माहे, दक्खन कर्नाटक, लद्दाख ते जम्मू-कश्मीर च बी अज्ज इयै नेहा मौसम रौहने दी मेद ऐ।

<><><><><><>